


ADAM VON FULDA


anxa
83-B
5325


2033




22/239/17









GRAPHISCHE GESELLSCHAFT

XIX. VERÖFFENTLICHUNG

ADAM VON FULDA

EIN SER ANDECHTIG CRISTENLICH
BUCHLEIN

MIT 8 HOLZSCHNITTEN VON LUCAS CRANACH

LICHTDRUCKNACHBILDUNG

HERAUSGEGEBEN

VON

EDUARD FLECHSIG

IN BERLIN BEI BRUNO CASSIRER

1914

DIE LICHTDRUCKTAFELN SIND AUSGEFÜHRT
WORDEN VON ALBERT FRISCH, DER DRUCK
DES TEXTES VON OTTO v. HOLTEN, BEIDE IN
BERLIN. PAPIER AUS DER KÖNIGL. PAPIER-
FABRIK VAN GELDER ZONEN IN AMSTERDAM.

Das 1512 von Symphorian Reinhart in Wittenberg gedruckte kleine Werk Adams von Fulda „Ein ser andechtig Cristenlich Buchlein“, das den Mitgliedern der Graphischen Gesellschaft hier in einer Lichtdrucknachbildung dargeboten wird, gehört zu den größten Seltenheiten. Es sind zurzeit nur 2 Exemplare bekannt, von denen sich das eine in der Königl. Bibliothek in Berlin befindet, die es für die Nachbildung zur Verfügung gestellt hat, das andere nicht ganz vollständige in der Hamburger Stadtbibliothek. Das Büchlein hat für uns einen besonderen Reiz durch die 8 Holzschnitte Lucas Cranachs d. Ä., mit denen es geschmückt ist. Wie aus der Vorrede hervorgeht, hat es der Herausgeber, der Magister Wolf Cyclop von Zwickau, dem Bruder Friedrichs des Weisen, dem Herzog Johann von Sachsen, gewidmet, dessen Wappen auch den Schluß bildet.

Der erste, der auf das Büchlein und seine Holzschnitte aufmerksam gemacht hat, war Wiechmann-Kadow in Naumanns Archiv für die zeichnenden Künste I (1855) S. 209 mit Nachtrag auf S. 352. Eine genaue Beschreibung gab 1894 G. Bauch im Repertorium für Kunstwissenschaft XVII, S. 421 – 423. Ich besprach die Holzschnitte 1900 in meinen Cranachstudien I, 64 – 66.

Das kleine Werk ist nicht nur kunstgeschichtlich, sondern auch typographisch von Wichtigkeit. Die großen und kleinen Typen, mit denen es gedruckt ist, sind nämlich dieselben wie die des bekannten Wittenberger Heiligtumsbuches, das ohne Angabe des Druckers erschienen ist, aber ebenfalls von Symphorian Reinhart gedruckt sein muß, was zuerst G. Bauch ausgesprochen hat. Aus der Übereinstimmung in den Typen ergibt sich ferner, daß Reinhart auch die Unterschriften und Inschriften zu einigen Einzelholzschnitten Cranachs gedruckt hat. Es sind dies die Verkündigung B. 2, Schuchardt 5 (Lippmanns Ausgabe 41), Spalatin vor dem Crucifix, Schuchardt 102 (Lippmann 48) und die himmlische Leiter des heil. Bonaventura B. 78, Schuchardt 99 (Lippmann 51).

Die 8 Holzschnitte in dem Büchlein Adams von Fulda sind durchschnittlich 111 mm hoch und 75 mm breit. Sie befinden sich an folgenden Stellen:

1. Bl. aij^b Die heil. Dreifaltigkeit
2. Bl. bii^j Die Erschaffung Evas
3. Bl. cjb Die Verkündigung Marias
4. Bl. dii Christi Einzug in Jerusalem
5. Bl. dvii^j Die Kreuzigung Christi
6. Bl. ej Die Höllenfahrt Christi
7. Bl. eiii^j Das jüngste Gericht
8. Bl. evj Das Wappen des Herzogs Johann von Sachsen.

Die Holzschnitte sind nicht bezeichnet; es bedarf aber keines Beweises, daß sie Schöpfungen Cranachs sind. Zwei von ihnen sind in Georg Rhaws Hortulus animae (Wittenberg 1548) wieder abgedruckt und auf diesem Wege Bartsch bekannt geworden, der sie zuerst verzeichnet hat: die Verkündigung (VII, 289 Nr. 89) und das jüngste Gericht (VII, 291 Nr. 111). Schuchardt übergeht seltsamerweise die Verkündigung mit Stillschweigen, obgleich gerade dieser Holzschnitt in jeder Linie Cranachsches Gepräge zeigt, und

beschreibt nur das jüngste Gericht (II, 270 Nr. 109). Die Kreuzigung wurde 1516 und 1518 von Joh. Grunenberg, 1520 von Melchior Lotter als Buchschmuck verwendet und kam so in Schuchardts Verzeichnis der Holzschnitte Cranachs (II, 290 Nr. 136).

Zum Schluß mag wenigstens kurz der Bedeutung gedacht werden, die das kleine Werk auch als deutsches Sprachdenkmal beansprucht. Gehört es doch zu den seltenen Dichtungen der Reformationszeit vor Luthers Auftreten, in denen das Volk in deutscher Sprache mit den Dogmen und Heilstatsachen, dem Leben und Leiden Christi und den letzten Dingen vertraut gemacht werden sollte. Gödeke erwähnt es zwar in seinem Grundriß zur Geschichte der deutschen Dichtung (II, 149), scheint es aber nicht selbst gekannt zu haben.

Ein ser andechtig Cristen-
lich Buchlei aus hailigē
schrifften vnd Lerern
von Adam von
Fulda in teutsch
reymenn
gesetzt.

Diß Buchlein hat funff tail

Der Erst tail sagt von der aller hailigsten Drys
salutait.

Der ander tail/sagt von der Vereinigung Gottes
vnd der menschen/nach dem vnser Ersten eldem
gesundet hetten

Der dritt teyl sagt von der menschwerdüg Christi
Jesu vnser herren vnd von seynen zeichen

Der Vierde tail sagt von dem hailigem Layden
Christi/ vnd von derselben Prophezey

Der Fünfft tayl sagt von der Abfart in die Helle
Von der Ersteung vnd Hymelfart Christi Auch
von der sendüg des hailigen gaists vnd von dem
Jungsten gericht

EX
Biblioth. Regia
Berolinensi.

Wolff Cyclop von Czwickaw der freye
Kunst magister dem leser heyl
So ymant lust Christliche Kunst
Dy in mocht zyhn in götlich brunst
Der selbig les was hyr yn stat
Das Adam sulda gsamlet hat
Ans vil heiliger schrift vnd ler
Dem höchsten gott zu preys vnd ehr
Darzu in Sachssen hochgeborn
Den zucht vnd frumkeyt hat erkorn
Herzog johanzen tugentlich
Bey seym hernbruder Friderich
Mit dem er lebt in gmach vnd fridt
Das selden zweien brüdern geschidt
Reuscheit er liebt vnd gerechtigkeit
Als kundig ist beyd weyt vnd breyt
Sein namen götlich gnad bedeut
Dy got cym yden menschen beut
Der sich durch rew von sunden wende
Sein gmüt vnd synn in hymmel sende
Das got wir alle seint vorpslicht
Der vns schuff nach seym angesichte
Den bitt ich vor dy edlen Stern
Vnd hoff es sey im angemen
Er wold in hy ein langes leben
Vnd dort dy ewig freude geben Amen a ff



Der Erste tail Von der aller hailigisten Dryualtigkait

Erwiger gott anfang vnd ende
Dein hulff vnd trost mir armen sende
Der du allein gewaltigt bist
Vber alles das do lebt vnd ist
Vnd ymmer meher mag kommen
Ich hab vff mich genommen
Ein puerd dy ist mir vil zu schwer
Auch wan ich also synreich wer
Als plato was vnd Cineas
So mocht ich nicht volbringen das
Wan solchs kein aug gesach noch nye
Kein ör das auch gehoiet ye
Vnd auch yns menschen hertz nit get
Als ad Romanos xj stet
Do paulus sich verwundert ser
Wy vngrundlich dein wesen wer
Drumb pit ich dich yns hymels tron
Wy wol ich dich erzornet hon
Mit meinen sunden vber mas
Hilff das ich mag gepuessen das

Vnd gib mir hilff vnd lere
Zu preisen dein lob vnd ere
Von erst das mir von gotte lesen
So ist vngrunlich all sein wesen
Deus inestimabilis
Essencia ineffabilis
Vnd auch darzu das höchste gut
Als Augustinus schreiben thut
Drumb wil ich mich nicht vnderwinden
Die gotheit also vf zu grunden
Proverbiorum also stat
Ein erforscher der maiestat
Wurt von der Er genydet hy
Auch stat *Ecclesiastici*
Was ich nit wol begreiffen kan
Das sol ich vnuerscher lan
Vnd darumb mich bekummern nicht
Der suß lerer Bernhardus spricht
Auf grunden das ist freuelheit
Im glauben ist die guttigkeit
Inuestigare stultum est
Vnd ist ye widder got gewesen
Doch muß man sagen das dar van
Das die doctores geschriben han

Gott was ye vor vnd bleybt an ende
Das selb auch die natur erkentt
Vnd all philosophi das schreiben
Wie das der hymel nicht mocht bleiben
Die hell vnd erd auch nymer mehr
Wan got regierer nit enwer
Der alle ding beschaffen hat
Das ist die heilig trinitat
Pater filius et flamen
Die drey person vnd höchsten namen
Ein got in gleicher wird vnd ehr
Ewig vnd ewig ymmer mehr
Le erdt vnd hymel wardt volbracht
Ist got gewest in voller macht
Trisaltig in der Einigkeit
Vnd Einig in der dryualtigkeit
Unbegreiflich zu aller frist
Vnd doch an allen enden ist
Dem alle ding sindt vnderthan
Vor Im sich nichts vorpergen kan
Auf Im in Im durch in vorwar
Sint alle ding vns offenbar
Got der almechtig ist ein geist
Das wirdt durch alle geschriffte beweist

^
In leib vnd auch vntödtlich
Ewig vnd unbegrifflich
Wy das der selbig einig iſt
Das finst am Ersten genesis
Wy got beschuff all ding allein
Der proben sunst noch gar vil ſeyn
Dy moyses geschrieben hat
Als im geſetz am anfang ſtat
Hör iſrahel zu diſer friſt
Dein gott vnd herr nur Einig iſt
Als got ſelber geſprochen hot
An mich iſt ſunſt kein ander got
Vnd Exodi in Cantico
Do ſtet geſchrieben auch alſo
Got her almechtig iſt dein nam
Als got erſchein hern Abraham
Do ſach er yn ſelb tritten ſtan
Wy wol er einen bettet an
Alſo iſt gottes Eynigkeit
Begriffen in dryfaltigkeit
Got der natur vnd mechtigkeit
Der do iſt vnd bleibet in ewig zeit
Wirt got vatter genennet
So der ſich ſelbs erkennet
Vnd ouch ſich ſelbs vornymmet recht
In ſeyn gemüt ein worth entpbecht

Das heysen wir den gottes son
Das sal der mensch also verston
In got ist got zu aller frist
So weis got das er got ist
Wan gott sich selbs also verstet
Aus dem gedanck das wort get
Dy weisheit gots das ewig worth
Als das Johannes saget forth
Wy das das wort von anfang sey
Auch wy das wort got wonet bey
So das got selbs das wort ist
Welcher dan auch Platonem list
De verbo in principio
Der findt dy proben gleich also
Doch hat der meister nit erkant
Wy das worth wurde in fleisch vonwant
Das auch das wort von gotte kumb
Da frag man dy propheten vmb
Verbum bonum eructavit
Cor meum so spricht her dauid
In got des vatters person
Du bist mein eingeborn son
Heut hab ich dich geborn
Sunst wurt die welt verlorn
Vnd stet geschriben darnach mer
Ich gebar dich vor dem Lucifer

Darumb nymant gesprechen mag
Das dauid das von salomon sag
Sapiencie man auch list
Vom son der gottes weißheit ist
Ke dy abgrund wurden befest
Ist das wort empfangen gewest
Durch das sindt alle ding gemacht
Vnd an das worth ward nichts volbracht
Durch das die hymel sindt gesterckt
Als man an dauidts Worten merckt
Das ist der einig son vnd got
Der helff vns hie auß aller noet
So sich dan got also erkent
Der do der vatter wirdt genent
Von dem das worth so wirdt entphangen.
Der erkentnus thut den anhangen
Begirlich Wirkung zu der frist
Der will/der Wirkung anfang ist
In Wirkung/ die der will volfuert
Do wirdt die lieb vorserst gespurt
Die ist der heilig geist genant
Als all doctores han erkant
Dan wie sich gott erkennen ist
So liebt er sich zu aller frist
Vnd ist des worts empfangnus
Allein auß der erkentnus

Dar aus die lieb kumbt aller meyst
Die wirdt genent der heilig geist
Geth aus vom vatter vnd vom son
In der gotheit die drit e person
Gleich ewig volkumen vnd pur
Gewaltig in gotlicher natur
Das wir das mögen so verston
Solen wir die geschriffte auch schawen an
Am anfang Genesis man list
Wie das der geist des herren ist
Auff den wassern vor getragen
Wer des nit glawbt den wil ich fragen
Wer was der her dan got allein
Wes mocht der geist dan gots gesain
Also wirdt gott der geist genant
Als Job das selb hat ouch erkant
Der geist des herrin hat mich gemacht
Vnd hat in mich das leben bracht
In psalmis auch geschriben stat
Der geist des herren erfüllet hat
Oibem terrarum vnd was drin ist
Als man auch in poeten list
Der gast gots sey an allen orten
Das merckt man an hern dauides worten
Als er in psalmo hat beweist
Wo flieh ich hin von deinem geist

Der heilig prophet Ysaías
In persona Cristī redet das
Mein herr hat mich gesendet Zwar
Vnd auch sein geist des glaube furwar
So wırde dy gotlich mayestat
Erkennet in der Trinitat
Als in der sel/gedechtnus
Lieb/ vnd auch erkenthnus
Dy drey in einem wesen stan
Das nennen wir dy drey person
Wan was do ist in der natur
Vorstentlich vnd im wesen pur
Von vns person geheissen is
In trichisch heysst Apostasis
So werden drey person beweist
Gott vatter son vnd hailger geist
Got einig in drisaltikeit
Trinaltig in der Einigkeit
All drey person gotlicher glantz
Vnd vngeteilt in der substanz
Vnd wy ich vor gesprochen hon
Ist doch des vatters ein ander person
Ein ander des sones zu aller frist
Ein ander des hailigen geistes ist
Doch seyn sy in der gotheit
In gleicher ehr vnd wirdigkeit

Gleich wy der vatter so der son
So ist der hailig geist gethon
Vnbeschaffen von ewig hehr
Vnd vnbegriflich ymmer mehr
Doch seyn nit vnbeschaffen drey
Ewig vnbegriflich dar bey
Sed vnus increatus
Eternus ⁊ immensus
Almechtig sy all drey auch sein
Doch ist almechtig einer allein
Also got vatter vnd got son
Got heiliger geist dy drey person
Wy die drey got genennet sein
Doch ist nicht dan ein got allein
Dar zu werden wir all gedrungen
Durch Cristlich warheit so bezwungen
Neczlich person insunderheit
Getherren zu heissen in ewigkeit
Doch halten wir nicht von dreyen gotten
Wan in dem glauben ifts verbotten
Drumb glauben wir an einen got
Der alle ding beschaffen hat
Got vatter als man list
Von nyman ye gemacht ist
Vnbeschaffen vnd vngedorn
Got son der auferkorn

Allein vom vatter als man sacht
Unbeschaffen vnd vngemacht
Von got geborn als oben stet
Got hailiger gaist von beiden get
Unbeschaffen als er ist
Vnd vngemacht als man list
Auch vngedorn man sal vorstan
Von vatter vnd son ist auß gan
Drumb ist ein vatter vnd nit drey
Auch ist ein son allein darbey
Vnd nicht mer dan ein heiliger geist
Darunder ist nichts das mynst noch meyst
Nichts das vorderst noch das lest
Allein das hochste gut vnds best
So ist die heiligist trinitat
Ein got in ewiger maiestat
In gleicher ehr vnd würdigkait
Bleibent an end in Ewigkait
Genesis In principio
Beschuff got hymel vnd erd also
Die erdt was eyttel vnd was lehr
Darnach so ist geschrieben mehr
Wie gottes geist zur selben frist
Vff den wassern getragen ist
Nym war hie werden drey beweist
Got anfang vnd des herren geist

Hey got der vatter wurt erkant
Der anfang wurt der son genant
Als in psalmo geschriben ist
Tecum principium als man list
Beym geist des herren ist furwar
Der heilig geist vns offenbar
So wer die heiligst trinitat
Am anfang vns beweisset sat
Doch wollen wir weitter fragen drumß
Ad Marcellum Iheronimum
Do er so schreibt von heloym
Das selb ich auch also vornym
Vnd weyßt dy heiligst trinitat
Als yetz hernach geschriben stat
Als der teuffel betrogen hat
Fraw Euen durch der schlangen Rat
Vnd Adam auch in solcher weiß
Er sprach eßt jr von diser speysß
So werdt jr gleich den götten werden
Erkenndt guts vnd böß vff erden
Das ist gotlichen person geredt
Als Adam da gesunder het
Vnd floch die gots stym zwar
Got sprach nun schaut vnd nemet war

Adam ist worden zu der frist
Gleich als vnser cyner ist
Vnd stet geschriben auch vorhyr
Da got den menschen het im syn
Zubeschaffen als er auch that
Do redt die heilig Trinitat
Faciamus hominem
Nostram ad ymaginem
Nach vnser gleichnus auch vor war
Bey disem ist vns offenbar
Dy aller heiligst trinitet
Durch drey figur als oben stet
Als wol pluralia sindt die wort
Doch stett creant vorn am outh
So das nit mer dan ein got sey
Wie wol man offt thut uennen drey
Doch wollen wir weiter fragen nach
Als dauid in dem psalter sprach
Geseget vns got vnser got
Geseget vns got sich wie er hot
Zu dreyen malen got genant
Dar nach volgt all zu handt
In sollen furchten all endt derwelt
Dar bey die Einigkait wirt erzelt

Auch Cherubin vnd Seraphin
Als Isaias hort von yn
Rieffen dreymal alsus
Sanctus sanctus sanctus
Darnach als pald geschriben stot
Dñs deus sabaoth
Dreymal sanctus Trinaltigkeit
Dñs deus dy Einigkeit
Vns thut beweisen offentlich
Des solt yr glauben sicherlich
David der künigliche psalmist
Sagt in dem psalmo da man list
In verbo domini vorwar
Dy hymel syndt bestetigt gar
Vnd durch seyns mundes geyste
Ir tugent allermeyste
Dñs verbum spiritus
Dy drey seyn vns beweyst alsus
Im vierundfirtzigsten psalm darnach
Stet wy der vatter zum son sprach
Got dein stül in ewig bleibt
Als balt darnacher weitter schreibet
Preparticipibus so hot
Darumb gesalbt dich got dein got
Got vatter vnd got heiliger geist
Am anfang ist der son beweist

Gesalbt ꝑ participibus
Der menschwerdung erkenntnis
Doch sint vil proben vngenent
Geschrieen im alten testament
Nun wollen wir weiter darnach fragen
Was uns das new da von thut sagen
Der her im ewangelio
Sein junger hat auß gesendet so
Zu predigen das der selig sey
Wer glaubt vnd wirdt getaufft darbey
In disem namen aller meist
Des vatters des sons vnd des heiligen geist
Nent drey vnd doch ein namen da
Johannes in epistola
Der sagt wy das im ewigen leben
Drey sindt die gezeugnis geben
Vatter das wort vnd heilig geist
Vnd sindt in einigkeit beweist
Auch paulus schreibet ander stat
Wie gott den geist seins sones hat
Also gesendet in vnser hertz
Vnd bald darnach stet anderwertz
Sein geist der Ihm erwecket hat
Der wondt in uns durch sein genade
Darnach so sagt er offenbar
Auf im durch in vnd in im zwar

Sindt alle ding zu aller zeit
Im sey lob er in ewigkeit
So ist die heilig trisaltigkeit
Ein wesen vnd ein einigkeit
Doch glauben wir das cristus ist
War got war mensch zu aller frist
War got auß des vatters substanz
Von got geboren im anfang ganz
War mensch vff diser welt geboren
Auf Marien der mutter außetom
So ist cristlicher glaub vorwar
Von der trisaltigkeit offenbar
Vnd was wir weiter nit verstant
Sollen wir mit paulo heben an
O du hoch der Reichlichkeit
Der kunst gots vnd der weisheit
Wie unbegreiflich sindt dein gerichte
Dein weg sein zu erschien nicht
Drum glauben wir in guttigkeit
Wie das die heilig trisaltigkeit
Sain drey person in einem wesen
Ein got vnd drey namen als wir lesen
Dem einigen got vnd dreyen namen
Sei lob vnd er ewiglich Amen.

O heiligste Trinität
O du gotliche eynigheit
Wan du vns all beschaffen hast
Vnd von dem todt vns all elost
Von der erbsundt gereyniget
Vnd vns mit dir voreyniget
Vnd wan wir seyn in sundt erfallen
Hastu gedult auch mit vns allen
Vnd vbersehen guttiglich
Dar vmb wir allsamt lot en dich
Fallent vff vnser angesicht
O herr laß vns vorderben nicht
Bewar vns vor dem ewigen todt.
O heiliger got O starcker got
O got herr der Barmhertzigkeit
Du heiligste Trinität
Wir armen sunder bitten dich
Hilf vns steyn gnediglich
So wir von dir beschaffen seyn
Zu hut vns vor der helle peyn
Vnd hilff vns zu dem hymel reich
Mit dir zu leben Ewiglich Amen.



Der ander tayl sagt von der vereinung Gottes vñ der menschen.

Do got all ding beschaffen het
Als Genesis geschriben stet
Vnd Adam aus dem erden klos
Er sant in yn ein schlaff was gros
Vnd nam ein Rip aus seinem leib
Dar auß er im beschuff ein weyb
Kam dy mutter aller welt
Dy hat er im so zu geselt
Vnd peyd gefürt yns paradya
Erlaubt in zu essen alle speis
An eine dy er in vorbot
Vff das sy nit begriffe der todt
So das sy musten sterben
Sy vnd all yr erben
Dys klein gebot wolt er in geben
Da mit erwurben sy das leben
Vnd solten kúmen an dy stat
Da got der herr den teuffel hat
Vorstoßen auß dem trone
Das wurd yn dan zu lone
Ob sy behielten sein gebot
Sunst wurd sy finden pald der todt

Weyl sy also in vnschult waren
Der teuffel het das pald erfaren
Sy wurden kumen an dy stat
Da von in got vorstoßen hat
Er wolt das selb vorkomen
Vnd hat ym fur genömen
Den neydt vnd hasz zur selben frist
Wy er sy durch der schlangen list
Gar wol noch mochte betrügen
Er künde yn vor geliegen
Vnd sprach esst yr vor dyser speys
Den gottern wert ir gleich vnweys
Das gut vnd böß zu wissen.
Hat sy also beschissen
Das sy da piachen gotz gepot
Des halb vns kumen ist der todt
Adam vnd all seyn erben
Wir müssen alsampt sterben
Sein auß dem paradeis geiaht
Der weg des lebens wart vorhagt
Des hymels pfort beschloßen
Also waren wir vorloßen
Gleich wy got Adam gab das leben
So hat ers auch seyn erben geben
So sy nicht piechen sein gebot
Dy fryheit hatten sy von got

Worden sy aber prechen
Got herr der wolt es rechen
An yn vnd all iren erben
Sy mustn̄ alsampt sterben
Doch setzter puß in seinem zorn̄
Vff das sy nit worden gar vorlorn̄
Adam der solt im schweis sich nern̄
Eua dy solt mit schmerzen gepern̄
Dy schlangē auch vormaledeyt
Er sprach ich werde setzn̄ neyde
Zwischn̄ dir der frawen in den tagn̄
Iren fustrit wirstu feintschafft tragn̄
Sy wirdt zuknuschn̄ dir dein haubt
Den wirstu allermacht beraubt
So hat got seyn gerechtigkeit
Gemischt mit der barmherzigkeit
Wy Adam erstlich gesundet hat
Was er der erst der püsse thae
Ein weyb pracht in dy welt den tode
Drumb hat vns das verheissen got
Ein weyb solt in voriagen
Vnd darnach in den tagen
Vorkunt das got herren Abraham
Er sprach nym war in deinem sam̄
Da soln gesegent werdñ
All volcker vff der erdñ

Isaac vnd Jacob warde
Vorheissen das auch zw der fart
Da got Jacob den namen want
Vnd hat yn Israhel genant
Do der seyn son den segn thet
Vnd Judam da gesehen het
Er sprach von deine huff nie kumb
Das zepter noch das furstenthumb
So lang bys kumen wirdt dy frist
Das der kumb der zw senden ist
Propheta spricht wan komen sal
Sanctus sanctorum/dan zwmal
Wirt ewer salbug nemen endt
Do bey man das gar paldt erkendt
Isayas der sagt darnach
Wy got der herr zw Achas sprach
Do er kein zeichen pitten thet
Ecce virgo concipiet
Vnd wirdt ein son gepern
Emanuel den herren
Ist got mit vns genennet
Darnach ir mer bekennet
Zint indt ist vns geporn schon
Vnd ist gegeben vns der son
Welchs Reich vff seine achsel gar
Sein nam wirdt gheissen wunderbar by

Ein starker got vnd Ratgebe
Vatter des zukunfftigen lebe
Ein furst des frides vnd der er
Darnach do stet geschriben mer
Der herr got vnser Richter ist
Konig vnd lucifer als man list
Kumbt wil vns selig machen
Darnach hat er gesprochen
W. arlich du bist v. d. p. o. r. g. e. n. g. o. t.
Der Israhel behalten hot
Nw hort was Jeremias sag
Nembt war es komen noch dy tag
So spricht der herr in ewigkeit
Ich werd vffwecken in der zeit
Von Dauid dy gerechten frucht
Der konig wirdt regiren in zucht
Vnd durch sey gro. s. s. e. w. e. y. s. s. h. e. i. t.
Gericht halten vngerechtigkeit
Sein nam der wirdt geheysen sein
Vnser gerechter got allein
Des gleich Baruth geschriben hot
Do so stet daz ist vnser got
Den weg der zucht er gar thet finden
Vnd gab in Jacob seynem kinden
Vnd Israhel seym auß er kom
Er ist vff erden gesehen woin

hat mit den menschen geredt
Als da geschriben stet
So hat auch Daniel gesehen
Des menschen son in wolcken pfehen
Der vor den alten kam der tag
Da bey man solchs auch mercken mag
Do vnser ersten eldern peyde
Gesunden/do musten sy scheide
Vom paradeis vns Jamertal
Vnd musten sterben allzumal
Wo:den gen hell vor:sto:ffen
Der hymel was vor:schlo:ffen
Dy altvetter alle gar
Lenger den funfftau:sent iar
Mit finsternus vmb geben waren
Vnd musten in dy vor:hell faren
Baten got das er senden thet
Den den er in verheyssen het
Inclina celos et descende
Was yr geschrey an ende
Begerten all an vnterlos
Vtinam disrumperes celos
Vnd stigst zu vns hernider
Darnach Rufften sy wyder
Veni et noli tardare
Erzeig d. ch offenbare

Wir bitten das du scheinen laß
Den stern den du vo:heissen hast
Das geschrey sich mert ye mer vnd mer
Korate celi desuper
Regem Ir wollen alle
Den gerechtñ vns mit schalle
Dar zu werdt aufgethan dy erdt
Das vns der seligmecher werdt
Erleucht vns hie in tenebris
Vsqueq̃ irasceris
Reiß dich von vns an ende
Dein zo:n thue von vns wende
Ostende tuam faciem
So werden wir gesunt nach dem
Ne memineras domine
Vnser alten possheit me
Der sele deiner armen
Der las dich herr erbarmen
Nym von vns herr dy schwern laß
Denck das du vns beschaffen hast
Vnd stet geschriben das von dir
Eruat a morte schir
Ir selen vß der vinsternus
Von großsem leid vnd kummernus
Dy ewige gots Barmherzigkeit
Dy wardt beweget zu der zeit

Von diesem geschrey vnd dage
Sy sprach herr got ich frage
Vbi misericordie
Wo sein dein alterbarmung me
Gedenck an dein Barmhertzigkeit
Wylang bistu in zorn bereit
Das menschlich gschlecht zu stroffen
Vff dein genad sy hoffen
Herr laß dich des erbarmen
Hör wyre schreyen dy armen
Miserere Miserere
Misericordia nam es vere
Seint das dy geschufft von dir bekent
Gottis Barmhertzigkeit ist an ende
Der selben sy begeren
Wirstu mich nicht geberen
So hastu kein Barmhertzigkeit
Als dy geschufft sunst von dir seyde
Drumb thue als do gesprochen hast
Vnd nym von in des todes last
Gerechtigkeit darauff antwort thede
Sprach das ist mir zu nach geredt
Nach gerechtigkeit/der mensch/ich mein
Sol ewiglich verlorn sein
Seint er ynden gesundet hat
Der ewig ist vnd zergat

Darzu die warheit also sprach
Herr got thue deinen worten nach
Wie genesis geschrieben ist
Wan du gerecht vnd warhafft bist
Sprachst/ werde ir brechen mein gebo
So must ir alsampt sterben tode
Sunst plibstu her an warheit
Drauff antwurt die Barmhertzigkeit
Solt dan der mensch vorlorn sein
So kemst ir selb nit ober ein
Von der warheit sagt der psalmist
Das du vff der erde ensp:ungen bist
Auch du gerecht:keit vorwar
Vom hymel habst gesehen dar
Wolt ir mir dan so hertte sein
So wer ich ewer Schwester kein
Der siid pald antwurt zu den sachen
Wolt ir mich auch zu nichte machen
Last paldt von ewerm arguiren
Ich wil euch also concludiren
Vnd pringen zu der einigkeit
Dich warheit vnd Barmhertzigkeit
Von euch also geschriben ist
Als man das auch in psalmis list
All weg gottis in ewigkeit
Sindt warheit vnd barm hertzigkeit

Vnd stet geschriben auch darnach
Als der prophet im psalter sprach
Herr got vom hymel komen ist
Dem barmhertzigkeit zu der frist
Vnd auch dein warheit als da stet
Dy auff hyn an dy wolcken gett
Also ist gottis warheit
Vormische mit der barmhertzigkeit
Drumb sein wir tugent gleiche
In got von hymel reiche
War vor ist vnser argument
Gots weysheit macht vns palde content
Dy tugent alle viere
Mit gangen willn vnd gyere
Vor gottis weisheit tratten
Den gottis son sy patten
Er wolt sy concordiren
Ir argument soluiren
Do sprach dy ewige weisheit
Dy hogste gottis guttigkeit
Beschuff den menschen vor der zeit
Zu besigen dy ewigen selikeit
Wy wol er das vorwurffet hat
Doch wil dy gotlich maiesiat
Er sol erloset werden
Durch einen tod vfferden ;

Der guttig vnd barmhertzig wer
Kein mensch vfferden nymer mer
Sich selbs erlosen mag vom todt
Dan solchs geschicht wer wider got
Wan das dy rede gottis sein
Ich bin got vnd herr allein
An mich kein seligmecher ist
Als man das Isaye list
Seynt den der mensch nit helffen kan
Im selbs als ich gesprochen han
Der mensch durch mich beschaffen wardt
Drumb wil ich selber vff dy farde
Wil mensch geporen werden
Den todt leyden vfferden
Von mir doch stet geschriben da
O mors ero mors tua
Morsus tuus inferne
Drumb wil ich sterben gerne
So werd got mensch vfferde
Vff das der mensch got werde
Dy tugent worden paldt content
Da wardt der spruch erfult behent
Barmhertzigkeit vnd warheit
Begegenten in eynigkeit
Gerechtigkeit vnd frid vorwar
Dy kusten sich aneinander dar

Da ward zu fleisch das ewige worth
Vnd schlos vns vff des hymels pfort
O pater. nate. flamen
Hilff vns auß nötin Amen
O weißheit gots du ewigs wort
Das du vns prechst durchs hymel pfort
Drumb sich dein gotlich mayestat
In demut so vorckleidet hat
Dein tugent groß in schwachheit mild
Dein ewigkeit in todlichs pldt
Vnd auch dein gotliche natur
Gesezt zu leydllicher figur
War got war mensch in ewigkeit
Getemperirt in einigkeit
Eyn mitler zwischen vns vnd got
Woltest nach der menscheit sterben tode
Vnd nach der gotheit aufferstan
Den leichnam wider nemen an
Seint das du warer got dan pist
Durch dich vns hilff geschehen ist
Ein woer mensch vnd gottes tempel
Dastu vns geben wolst exempel
O ewigs wort vnd son von got
Hilff vns armen auß aller not
Bewar vns durch dein heiligs leiden
Das wir vō dir nicht werde geschaidn cñ



Der dritt teyl sagt von
der Menschwerdung Christi Jesu vnnsers
herren vnd von seynen zeichen.

Do zeit der gnade kam vfferden
Das got tis son wolt mensch werden
Wy das dy heylgiste trinitet
In irem Rat beschlossen het
Das er dy todtlich menscheit
An nem von einer reynen meyde
Von vrsach wegen als ich las
Dy erd noch vnbesleckt was
Do got beschuff den ersten man
Drumb nam got dy menscheit an
Aus einer juncfrawen reyne
Dy er erwelt alleyne
Für alle weyb vfferden
Sein Botschafft sandt der werden
Mit einen schlechten engel dar
Als vor wol oft geschehen war
Sed Gabriel archangelum
Zunorkunden Christu dñm
Gen Nazaret da in dy stat
Do hin in sandt dy Trinitas
Zu sagen ir das Aue
Vorwendt den namen Eue

Die juncffraw was vormehelt schon
Joseph des geschlechts dauid ein man
Maria was jr nam genant
Vff das dem seind wer vnerkandt
Drumb was es gottis wille
Der engel kam in stille
Sprach Ave gracia plena
Dñs tecum vite vena
An we voller genaden
Der herr hat dich beladen
Mit seym gotlichen seggen
Der wil dein alzeit pflegen
Dar ab dy reyn erschrocken was
Der engel sprach ich sag dir das
Furcht di .h nicht zu der stunde
Du hast genade funde
Vnd wirst geperen werden
Eyn son vff diser erden
Jesus sol er geheissen seyn
Darumb do fraget yn dy reyn
Wy kummet das sag mir zuhant
Seyt ich kein man ny hab erkant
Der engel sprach glaub sicherlich
Der heylige geist der kumbt in dich
Des aller hogsten tugent
Vmb schatwen wirdt dein jugent

Dar vmb auß dir geporn sol werden.
Der heylig gottis son vfferden.
Nym war dein muem Elizibeth
Mit einem son yetz schwanger get
In irem alter zu der frist
Vnd dys der sexte monandt ist
Der dy vnperhafft was genandt
Wan got seyn alle ding pckandt
Dem alle wordt auch muglich sindt
Der wirt geborn von dir ein kindt
Von deiner keuschen leibe.
Liebt dich fur alle weyße
Maria in demuth neygt ir stym
Nym war ich bin des herren dirn
Mir gsche nach deinen Worten
So pald durchs hymels pforten
Was gottis son gegangen
Dy maydt het yn entpfangen
Darnach sy vbers pirge ging
Elizabeth sy schon enphing
Im hauf Zacharie.
Sy sprach mich wundert ye
Von wem mir dy genad mag seyn.
Das dy mutter des herren meyn

Ist kummen her zu mir
Vorwar so sag ich dir
Als pald dein gruß kam yn mein or
Da sprang in meynem leib entpor
Das kindt vnd freyd sich fere
Gelobet sey der herre
Der dich dar zu erwelet hat
Maria sprach Magnificat
Mein sel groß macht den herren
Mein geyst erfreut sich gerren
In got mein heyl vorware
Er hat angesehen zware
Seyner dirne demuttigkeit
Dar vmb sein all geschlecht bereyt
Mich selig zuheysen behende
Das sprach sy byß aufs ende
Zu diser zeyt gschach ein gepot
Das der Keyser Augustus thot
Wolt all welt han beschriben eben
Eyn yeder solt den zinspfenning geben
Auch yeder man gen in seyn stat
Das gpot auch vor vorkundet hat
Cirinus sagt in Siria
Dwumb Joseph vnd Maria

Dy man jm dan vertrawet het
Gen Bethleem sich fugen thet
Drumb das er was vō dauids gschlecht
Das er seyn zinspfennig da hin precht
In keym hauf wardt beherbergt doch
Drumb er jns diuersorij zoch
In des dy tag erfullet wern
Das da Maria solt gepern
Da gepar sy gottis einigen son
Den sy als pald doch bettet an
An we vnd allen schmerzen
Das frawt sy sich von hertzen
Warumb das so geschehen sey
Das merckt man an der prophetezey
Das Maria entphangen het
Ece virgo concipiet
Thut Isayas sagen
Vnd darnach in den tagen
Sy vbers pirg gegangen yf
Stet canticorum canticis
Ece venit isaliens
In montibus transiliens
Colles/wan sy cyllen thet
Vnd das sy kam von Nazaret

Macht vns auch dy geschuiffte bekant
Er wurdte Nazareus genant
Da Augustus thet das gepot
Den groffen fryd bezeychent hott
Den Isayas offenbart
Darnach wy er geporn wart
Sagt der propheet da vorn
Ein kindt ist vns geporn
Der son ist vns gegeben zwar
Seyn reich vff seyner achffel gar
Seyn nam wunderbar heysen thut
Ein radtegeß vnd ein starcker got
Dys alles wirdt jm zu gezelet
Ein vatter der kuffteigen welt
Ein furst des frides vnd eren
Sein herschafft wirdt sich mehren
Auch wird sein frydt kein end han
Das ist vns leichtlich zuvorstan
Wan Jesus vns geporn ist
War got vnd mensch zur selben frist
Der son ist vns gegeben zwar
Das sagt vns Johannes offenbar
Wy got dy welt so libet schon
Das er gab seinem einigen son
Wardt geben auß der gotheit
Geporn nach der menscheit

Sein reich vff seinen achseln gar
Bedeut das heylige creutz vorwar
Das er auff seiner achsel trug
Da mit er all ding zu jm zug
Wirdt wunderbar genant vort an
Vmb zeychen dy er hat gethan
Der gleich nye thet kein prophet
Als das jm ewangely stet
Kat ges man yn darumb auch nent
Das er dem alten testament
Dy ewangely hat zwogelegt
Got man in auch zw heysen pflegt
Das er kein lautter mensch nit ist
Sunder got vnd mensch zu aller frist
Starck wird er auch genant darnach
Wan er dy eren Rigel zerprach
Vnd auch dy hell beraubt hy
Pater futuri seculi
Das er das ewige leben
Nach diser zeyt wil geben
Princeps pacis offenbar
Darumb do er geboren war
Verschlussen dy Romani
Den tempel des gots Ioui

Et mira pax est orta
Dy engel sangen gloria
In excelsis got allein
Der fryd sal offerden sein
Den menschen voluntatis bone
Sungen dy engel schone
Seyn Reich das wirdt gemeret
Des teuffels wirdt verkert
Wan gottis fryd kein ende hat
Also ist das beweiset sat
Zu Bethlehem geporn wardt
Das sagt Micheas zu der fardt
Dro Bethleem des lands Juda
Dw bist dy mynste stat nit da
Aus dir der furst außgehen wirdt
Der mein volck Israhel regirt
Do yn Maria geboren hett
Hat sy in als baldt angepedt
Quem genuit adorauit
In ciuitate Danide
Horten dy hyrten alle
Dy engel singen mit schalle
Dar zu ein liecht was clare
Erschein in offenbare
Draus sprach der engel here
Ich verkund euch newe mere

Grolockt vnd freudt euch zu der frist
Vns ist geporn Jesus crist
Dar zu wil ich euch zeichen geben
Das ir yn mogt erkennen eben
Wan jr das kindt dan hebt gefunden
Das ist in tuchelein gebunden
Geleget in ein Kryppelein
Das selb sol eur zeichen seyn
Da auch der esel vnd das Kindt
Nit irem atthem wermten das kindt
Das vns dy gschafft thut leren
Cognouit bos seinen herren
Asinus presepe domini
Der da was seyn besetzer hy
Auch wardt dy maydt vnds kindt gesehen
Vom Keyser in den wolken prehen
Als yn Sibilla het sehen lassen
Auch hat ein puun mit öll geflossen
Ein tag zu Rom transtiberin
Auch wardt gehört der engel stym
In orient der stern erschin
Den Balaam gar lang vor hyn
Vorkundet het dem volke
Ergleitet yn den wolke
Den stern drey konig ersahen
Von stund an dethens gahen

Dem new gepornen kinde
Pungen ir opffer geschwinde!
Der stern der thet in leuchten vor
Bis gen Jerusalem vors thor
Da vorschwant er in den wolcke
Sy hetten auch groß volcke
Kamel vnd drumidarian
Von effa vnd von Madian
Als Isayas das thut sagen
Sy theten nach dem kinde fragen
Der Juden kōnig wo der wer
Dar von erschrack Herodes ser
Vnd auch das ganz Jerusalem
Sy sagtem jm zu Bethleem
Sol crist geporn werden
Der stat der Judischen erden
Als das in dem propheten stet
Herodes sprach wolhin so get
Vnd thut das kindt erfahren eben
So wil ich auch meyn opfer geben
So zogens von Jerusalem
Der stern weyst sy gen Bethlehem
Da funden sy das kyndlein
Mit Maria der mutter sein
Das sy da anepetten
Vnd auch ir opfer thetten

Golt als dem konig aller herren
Weirach als waren got zu eren
Mirr zu bedcutten seinen todt
Darnach ym schlaff kam yn ein pot
Sich vor Herodi zu bewaren
Drumb dethen sy durch Tarsis faren
Des halb Herodes ser thet zornen
Vnd lys yn alle schyff vorbomen
Conteret naues Tarsis
Darnach der engel Joseph hyes
In Egipten zu fliehen
Mit dem kindt vnd Marien
Herodes thet den todt begeren
Der kindt dy vnder zweyn jarn weren
Darnach den todt er selber nam
Drumb Joseph widder zu lande kam
Do nun dy tag erfullet worden
Das Maria nach Judischem orden
Solt greynget werden als mau list
Wols ir nit not gewesen ist
Doch bracht sy in yn den tempel dar
Als Malachias weysagt war
Er werdt in seinen tempel kummen
Der herschafft herr hab ich vornumen
Den jr thut suchen als ir solt
Der engel der ce den ir auch wolt

Nach dem geseze Moysi
Das alle mannes pild hy
Werden heylig genant dem hern allei.
Zwo turtel tauben sopffer sein
Aut duos gulos columbarum
Erfult Maria alles darumb
Das sy dem gsetz ein gnug wolt thon
Eyn heyliger man hyß Symeon
Hets als ym heligen geyst erkant
Dumb er das kindt nam in sein hant
Sprach nunc dimittis dne
Seruum tuum in pace
Anna hat auch erkennen das
Dy da ein prophetissa was
Lang zeyt ym tempel gewesen
Auch Jesus als wir lesen
Als er was im zweyften jar
Hub an zu werden wunderbar
Mit den püestern zu arguiren
Vnd das gesez zu informiren
Do yn Maria vorlorn hett
Vnd was wunder er vorhin thett
Dylas ich pleiben omnia
Das buchlein de infancia
Sage man es sey appocrisum
Des halb sich nyempts bekumert dumb

Doch ist mir kaum zu glauben das
Wan do der herr dreysigst iar alt was
Erlangt Maria das durch pet
Das er sein erstes zeichen thet
Do er das wasser macht zu wein
Auff der hochzeit der junger sein
Zu Cana galilee zwar
Was das erst zeichen dyß vorwar
Darnach er grosse wunder that
Als auch ym Jsaya stat
Got wirt komen behende
Uns heyl vnd trost zu sende
Dy plinden werden sehen dan
Der thauben oim werden vff gethan
Dy lamen vnd dy hinckendingn
Dy werden als dy hirschen springen
Auch werden dy stümen reden werden
Dy totten werden ersten vfferden
Dyß zeichen thet er alle gar
Do er kam in das dreysigst iar
Wardt er getaufft in dem Jordan
Von Johanne dem heyligen man
Vnd precursore domini
Der ym auch gab gezeugnus hy
Er wer das gottis lamb vnd hant
Des vatters stym gehoret wart

Vnd auch der heyligegeyst gesehen
In einer tauben gestalt pfehn
Ein weyßer wolck det in vngeden
Das stet in ewangely gar eben
Darna h das ewangeli leret
Wy in der vatter hat verkleret
Vff dem perg der Thabor heyst
Er treyß auch auß dy nösen geyst
Mit zwen fischen funffzerster bot
Funftausent menschen gespeylet hot
Vnd Lazarum vom todt erwercke
Der vier tag was im grab gesteckt
Auß der vordhell erledigt
Gelert vnd auch gepredigt
Den weg der ewigen seligkeit
Als von ym Isayas seyt
Spiritus domini super me
Drumb hat er mich gesalbet ee
Zu predigen den armen das gottis reich
Auch sagt er vor gar sicherlich
Was tods er wolt sterben
Das wir nit wurden vorderbent
Sunst sein der zeichen vil an zil
Der ich nit aller sagen wil
Dy prophetei ist offenbar
Im ewangeli finstus gar

Auch hat er vns den tauff gegeben
Als Zacharias weiset eben
Sagt an dem tag wan got kem
wurd aufgehn von jerusalem
Das lebentig wasser vorwar
Das sagt auch Jesus offenbar
Zu Nicodemo bey der nacht
Als er dise ding het gar vorpracht
Vnd sich sein zeyt nu nehen was
Sein jungern thet er sagen das
Sprach nemet war es ist an dem
Wir gen hin gen Jerusalem
Do wirt des menschen son verraten
Den püestern der juden vnd senaten
Dy werden yn den heyden geben
Zu geyseln vnd zu pringen von leben
Vnd wirdt am dritten tag erstan
Do er dy stat hat gesehen an
Begundt der herr weinen zu hant
Drumb das sy in nit hetten erkant
Jesu durch deinen heyligen namen
Hilff das wir dich erkennen Amen.

Jesu König aller eren
Ich armer sündler bin begern
An dein gotliche mayestat
Dy sich also genidert hat
Das du von hymel hrab bist kumen
Dortlichen leyß an dich genomen
Vorsolgung hye vfferde gelitten
Des halb ich dein genad thue bitten
Du wolst mir fristen meine tage
Das ich dir des mag dangk sage
Als vil vnd mir dan möglich ist
Des bit ich dich herr Jesu crist
O wie groß was dy liebe dein
Do du deinen gotlichen schein
Geselts menschlicher plodykeyt
Jur vns zu sterben waßt wercyde
Vff das du vns erwirbst das leben
Hastu dich in den tode gegeben
Vnd den gelitten willigklich
In dise lieb beuelch ich mich
Vnd bit dich durch dein bitters leyden
Das ich von dir nit werde gescheyden
Amen.



Der vierdt tail sagt von dē hailigē leiden Christi

Do nun dy zeyt was kumen
Als ir vor habt vornōmen
Vff das dy prophicey wardt war
Sas er vff einen esel dar
Keyt gen Jerusalem d stat
Als Zacharias geweissagt hat
Frew dich tochter von Syon
Jerusalem nu frew dy schon
Dein konig kumpt dir gerecht
Dem heyler arm vnd schlecht
Sizent vff einer eslin grois
Et pullum sub iugalis
So haben sy sich auch gefreyde
Mit gesang vnd palmen zu der zeyt
Auch rieffen dy so lieffen mit
O sanna filio dauid
Edlich ir kleyder vnder preytten
Benedictus qui venit alle schreytten
Im namen des herren er kumen yf
O sanna in excelsis
Mit solcher wird vnd eren
Entpfingen sy den herten

Als er do yn den tempel kam
Der vorkauffter er da war nam
Der wechsel penck dar bey
Sein gurtel nam er frey
Vnd schlug sy zu dem tempel aus
Sprach mein haus ist e'n bethaus
Dar aus macht ir ein mortgruben
pald sy sich anß dem tempel huben
Da das Jesus nro gethatt
Dy Juden giengen bald zu rade
Sprachen wir solen vns halten in hnt
Nembt war Jesus vil zeichen thut
Woln wir ym das also erlauben
So wirdt das volck gar an yn glauben
Villicht kemen dy Romer her
Vnd nemtn vns laß gut vnd er
Do propheceyet Cayphas
Der das selb jar ein Bischoff was
Vil besser ist ein mensch der starbe
Ee das das volck alles gar vordarbe
Als pald er dyse redt volpracht
Was Ihesu schon der todt erdachte
Der radt was vor prophetiziret
Als Salomon das hat erponiret

duß

Secundo sapientie
Dy bösen Juden redten ee
Den grechten betrogen wir mit list
Wan er vns widerwertig ist
Dy ee macht er vns schwach
Vnd thut vns vngemach
Er sagt vnd nent sich gottis sone
Sagt gottis kunst dy küne er schone
Er ist vns schroer zu sehen ye
Lebt andern leutten vngleich hye
Heyst vns lugner ämeysten
Vnser weg will er nit leysten
Gerad als ob sy vnreyn sein
Spricht got sey sein vatter allein
Besecht ob warheyt sey dar bey
Versuchen wir was im kunstig sey
Ist er dan gottis son vorwar
Er macht in ledig offenbar
Von seiner fenden henden
Sust muß sein leben enden
Auch thetens weitter sagen
In scheltworten woln wirn fragen
Vnd auch in peynlichkeit dar bey
So werden wir innen wer er sey

Was doch ist sein ersamkeit
Vnd mogen bewerren sein weyßheyt
Vrteyln wir in dem schnodsten tode
Das dachten sy ym als zu spot
Wan sy warn irr vnd vnbedacht
Ir Bosheyt hat sy plint gemacht
Ir sel heyl betrachten sy nicht hye
Auch stet am eylfften Jeremie
Lassen wir holtz in sein prot
Vordilgen wir in mir angst vnd not
Vff der lebendigen erden
Le wir von im vberwunden werden
Also sy haben ym vo:nichtet
Falsch vntel vber erdichtet
Do mit im wurde der tode gethan
Kein prophecey sahens nit an
Das macht der haf vnd der neyde
Als das was vorhin propheceyde
Darnach der herr het sich vormessen
Mit sein jungern das abentessen
Vnd osterlamp nach judischin sitten
Zu essen da wart nit gepitten
Der herre der macht sy reine
Wusch in dy fueß gemeine

Das new gesetz er in gepot
Gefegent auch da wein vnd brot
Deth yn das opfer Reichen
Sein plut vnd fleich Bezeichnen
Als der psalmist das weiset sein
Du wirst ein ewiger priester sein
Nach Melchisedechs orden
Ist auch bezeichent worden
Vor alter durch das hymel brot
Als got das volck erneret hot
Ob das wol nit gesehen wirdt
So ist durchs wasser figurirt
Dor in das feur vorborgen was
Als Esdras hat beschriben das
Vnd wirdt das new opfer geschetzt
Das got der son hat vff gesetzt
Darnach er auch vorratten yß
Von dem Juda Schariotis
Der da sein junger was
Da wardt erfullet das
Als man am xl. psalmo schawet
Der mensch meins frides dem ich trawet
Der auch geessen hat mein brot
Hat mich grosslich getruckt yn not

Umb dreyßig pfennig verkaufft also
Vendiderunt iustum pro argento
Darnach er in den garten kart
Dar in er auch gefangen wart
Sein iunger fluchen also drat
Als Zacharie am xij. stat
Percutiam pastorem als ich lif
Dispergentur oues gregis
Darnach er ser verspurzet wardt
Sein augen im vorpucken hardt
Dar zu garhart geschlagen
Thut Isayas sagen
Mein leib in schleg ich geben han
Mein anplick nit vorwent dar van
Darnach der herr gesuret ist
Für Annam zu der selben frist
Darnach fuer Caypham vorwar
Mit falscher zeugnus umbgeben gar
Darnach Pilato zugesant
Darnach Herodi alzuhant
Vorspot yn weysen purpur cleyde
Pilato gesendet ander weyde
Der yn als pald gegeyselt hat
Als am. lxxij. psalmo stat
Ich bin gegeyselt tota die
Darnach sy schryen Crucifige

Er hat sein creutz auch selber getragen
Dar von thut Isayas sagen
Sein reich vff seiner achsel zart
Darna her auch gekrönigt wardt
Als yn psalmo geschriben stat
Got an dem holz geherscht hat
Auffs creutz sy in gespannet haben
Sein hend vñ fuß ym auch durch grabt
Am. xxi. psalmo zw. ar
Stet das geschriben offenbar
All mein gelide gezelt sy haben
Dar zu mein hend vnd fuß durch graben
Auch trenckten sy yn mit essig vnd gallen
Sagt der psalmist offentlich allen
Mein speis han sy mit gallen vermengt
Dar zu mein dust mit essig getrenckt
Sy haben sein auch ser gespot
Vnd er doch still geschwiegen hot
Ist zwischen zweyn schechern gehangen
Am creutz dein schmecken todt enthangen
Dem vatter auch Befalch sein geyst
Bat vor sein feinde allermeyst
Dar zu dy son gefinstert wardt
Als Amos vns das offenbarte
An dem tag spricht got vfferden
Vmb mittag sol gefinstert werden

Dy sonn mit yrm glantz verwar
Dy zeit hat Daniel offenbar
Am neunden capittel gesprochen
Nach zweyundschwentzig wochen
Occidetur Cristus zwar
Ein wochen dy gelt sibem jar
Das thut Isayas auch vouehen
Als ob ers selber hett gesehen
Vnser krankheit werlich thut er sagen
Vnd vnsern schmerz hat er getragen
Vmb vnser sundt ist er verwundet
Attritus vmb vnser bosheyt grunde
Vnsers frids zucht vber in allen
Welchs schmerzen wir gesettigt sein
Wir all han wie dy schaff geirt
Igschlicher in seinē weg verwirde
Got hat vff in geleget zwar
Vnser aller posheyt ganz vnd gar
Wardt geopfert als er wolt han
Vnd hat sein munde nye vff gethan
Sein sel gab er in den todt
Vmb vnsern wiln gelitten not
Wie schelcken ist er geacht verwar
Hat vller sundt getragen zwar

Vnd vor sein veinde gepeten
Als ob sy im recht thetten
Von angst vnd gricht ist er genömen
Wer sagt sein gschlecht vnd her kömen
Darnach auch Jeremias hode
Beklagt also des herren todt
Als der herr an dem ceenze stet
O schaut all dy ir surget
Durch disen weg vnd seht an mich
Ist auch ei schmerz meym sinertze gleich
Darnach sein s:yt geoffent wart
Vom Ritter Longino zu der fart
Dar aus auch pluet vnd wasser flos
Das e: zu lez fur vns vergos
Des tempel umbhangt da zureys
Dy erdt pydmet ym umbkregs
Dy stein zerspilt zu der zeyt
Umbs falsch vitel vnd posen neye
Als das David thut erzelen
Sy fieln an des gerechten seln
Verurteilten das vnschuldig plut
Doch hat der herr seyn leib in hutt
Das nyie kein beyen zerprochen wardt
Als das gesetz vns offenbarte

Os non cōminnetis ex eo
Also stets geschriben do
Als soliche zachen warn geschehen
Noch woltens dy juden nit vorstehen
Das selb thut Isayas sagen
Ich het mir kinder erzagen
Dy selben mich verschmehet han
Der ochs sein herrn erkennen kan
Vnd der esel dy krip zu hande
Israhel hat mich nit erkande
Des halb sich got zu vns hat gwent
Als auch Isayas bekent
Das findt dy wort des herren
Ich werde mich zu den heiden kern
Mein namen werden sy ruffen an
Mein hende ich auß gestreckt han
Den langen tag vorware
Zu den vnglaubigen dare
Dy gen iren posen wegen nach
Wy seys mogen erdencken doch
Jhū ein herr vber alle herrn
Seyt du dich dan zu vns thust kern
Hilff vns durch deinen haligen namen
Das wir vns zu dir kern Amen.

O du gütter Jesu Chriſte
Der du durch neyt vnd falſche liſte
Verratten vnd verkauft biſt
Dein clars antlitz verſpeyt iſt
Dein zarter leib durch ſchlagen
Dein creutz haſtu getragen
Dar an du biſt geſtorben
Da mit haſtu erworben
Vns allen das ewig leben
Nach deiner huld wir ſtreben
Seynt du war menſch vnd warer got
Wolts leyden für vns ſolche not
Vnd ſterben nach der menſcheyt
Erſten nach der gotheyt
Dy ſon der umbhang erd vnd ſtein
Berweyſen das du got muſt ſeyn
Dein gotlich munde geſprochen hot
Ich wil nicht han des ſünders tot
Sunder das er ſich beker
Vnd leb an end vnd ymer meher
Seint du mit wilt des ſünders tode
So hilff vns amen hy aus not
Amen.



Als nu der herr verscheyden war
Vnd dy wunder geschehen gar
Do hilt der furst Centurio
Vnd sprach andechtiglich also
Vorwar der mensch was gottis son
Der soliche zeichen hat gethon
Auch dy beym creutz warn pliben
Von mannen vnd von weyben
Klopften andechtig an ir hertz
Vnd gingen hin gen hause wertz
Do hat Joseph von armothey
Ein grab inn ein garten dar bey
Drumb ging er zu pilato
Den er gar fleissig patt do
Vmb Jhu todten leys zustunde
Den im pilatus wol vorgunde
Drumb nam er in vom kreutz herab
Salbt yn vnd legt in ein sein grab
Dy Juden hutter ordinirten
Dazu den stein vorsigillirten
Durch pilati beselhen
Das in sein junger nit stelen



Der funfft tail sagt von

der Abfart in dy helle. Von der Ersteung
vnd Hymelfart Von der sendung des heyli
gen geysts. Von dem Jungsten gericht.
Darnach steigt er gen hell hin ab
Sein heyliger leib plib in dem grab
Da redt vor ym der engel chor
Ir fursten thut auff ewer tho:
Ir ewig pfort werdt auff gethan
Der eren konig wirdt einhin gan
Dy teuffel des erschrocken ser
Fragten wer der eren konig wer
Dy antwurdt wardt yn zu der frist
Der herr d starck vnd mechtig ist
Gewaltig in dem streyte
Do theten sy nicht peyte
Vorschlossen sich ye mer vnd mer
Vnd fragten wer der konig wer
Dar auff yn antwardt geben wardt
Der herr der tugent zu der fardt
Ipse est rex glorie
Der herr der pit nit lenger me
Dy helschen tho: gund er zerpiechen
Gewalts sich mit gewalt zurechen
Surt auß dy seinen alzuhant
Den teuffel er darin verpandt

Dyß auch prophetiziret ist
Als man Osee am. xij. liest
Eec dicit dominus
De manu mortis vnd auß
Wil ich mein volck erlösen zwar
Als bald darnach stet offenbar
O todt ich werde sein dein todt
O hell ich werdt dein piß spricht got
Vnd wy dy ding geschehen sein
Das stet im ewangeli gar fein
Das man von Nicodemo liest
Darnach der herr erstanden ist
Des wirßt ym zehenden psalm berichte
Heir du wirßt vorhengen nicht
Das faulen werd dein heyliger laib
Vnd sein sel yn der helle pleib
Vnd do der herr erstanden war
Kam er zu seiner mutter dar
Darnach er Petro ist erschienen
Vnd auch Marien Magdalenen
Zwein jungern dy gen Emaus gingen
Vnd in in pilgrams weis entphingen
Dy juden mit den Rittern redten
Dy da des grabs gehuttet hatten

So soltens nymant sagen
Ob ymant d. umb wurde fragen
Mochten sy sagen das dar bey
Wy ern im schlaff gestollen sey
Dar an sy sich nit karten
Dy sach sy offenbarten
Vnd sagten sy pilato
Pilatus schubts tyberio
Also der juden falscher list
Vns offenbar geworden ist
Darnach ee durch verschloffens gmach
Zu seinen jungern kam vnd sprach
Der seid mit euch vnd furcht euch nicht
Sunst seindt auch noch vil mer geschicht
Dy der herr thet nach seym todt
Als das im ewangely stode
Auch was er mit sein jungern rede
Vnd wy yn Thomas begriffen het
Das wil ich nicht erzellen gar
Im ewangely ist offenbar
Darnach der herr gen hymel fuer
Vnd schwang sich in dy lufft entpor
Da in ein scheinet wolck vmbfing
Von disen wolcken ein stym auß ging

Wy stet yr Galileschen man
Vorwundern vnd secht den hymel an
Wy jr Ihm gesehen hat
Gen hymel farn an der statt
So kumbt er wider zu der frist
Wan dy zeit seins gerichtes ist
Am sibenzenden psalm vorwar
Ist das vns vor gesaget gar
Er fuer auff vber Cherubin
Dar zu ist er geflogen hin
Vber dy federn der binde
Furt mit jm seine kinde
Am. lxxj. psalmo
Stet geschriben das also
Der herr fuer mit ym gfangen eben
Dy gfangnuß vnd hat gab gegeben
Den leutten seinen heiligen geist
Wy yzunt werdt hernach beweist
Darnach der herr hat auß gesandt
Sein geyst der heylig wirt genant
Do wart ein schneller laut gehort
Geteilzungen geoffenbart
Gleich wy das feuer thut prehn
Der heylig geist wardt gesehen

Sitzend vff ydem besunder
Sy retten gottis wunder
Mit manicher sprach vnd zungen
Ir laut der ist erklingen
So weyt als alle welt ist
Von dem man im propheten list
Mein geist ich ausgießen werde
Vber alle mensch vff erde
Dan werden in den selben tagen
Ewr son vnd tochter weyssagen
Sapientie auch stat
Der geyst des herren erfüllet hat
Oibem terrarum et omnia
Dy drin sein begriffen da
Dy junger worden auß gesandt
Zu predigen in alle landt
Ir predig nach cristlichm orden
Vff aller erdt gehort ist worden
Als ich das auß dem psalm vornam
Do stet in omnem terram
Exiuit sonus eorum
Den hör man weiter dorumb
Vnd in all endt der welte
Han sy jr wordt erschelte
Das gots wort han wir vff genomen
Des halb wir sein zum glauben kōmen




Got woll das wir yn halten rechte
Das wir von got nie wern vorschmechte
Wan Jesus kum am letzten tag
Das er in zorn nie zu vns sag
Get ir vom aldeitten ein
Zum teuffel yn dy ewig pein
Seint ir mich hy erkennet hot
Vnd nie gehalten mein gepot
O Jesu wan du kumbst zurichten
Laf vns den teuffel nie vornichten
Der aller menschen echter ist
Des bit ich dich herr Jesu crist
Ans Daniele ist das kunt
Als er hat gesehen zu der stunde
Ins hymels wolcken komen her
Der gleich eym son des menschen wer
Vnd kam fur den alten der tag
Dar auf man solichs nemen mag
Darnach so volget also pale
Ergab im er Reich vnd gewalt
Das all volker vnd gschlechte
Vnd zugen im dyenten rechte
Criste wan du wirst richter sein
Vnd schopfen dy zwelff junger dein


So schickh vns zu der rechten hant
Das vns dy hell nit wert bekant
Vnd hilff vns zu dem hymel eynt
Do du pist got vnd herr alleyn
Wan du an ende gesehen pist
Vnd lieb gehabt an endes frist
Auch wirst an mudigkeit geert
Da ist als leydt in freyd vortert
Das es geschech in deinem namen
So wolln wir alle sprechen Amen.
O gestrenger Richter Jesu crist
So kummen wirdt dy stundt vnd frist
Das nit mer hilfft Barmherzigkeit
Sunder allein gerechtigkeit
Als das Apocalipsis stat
Vnd der engel geschworen hat
Per viuentem in secula
So Richt vns nach gnaden da
Von dir wir all beschaffen sein
Vor vns leydstu des todes pein
Dumb hilff vns herr vff diser erden
Das wir dorth nit verlorn werden
Kein todter lobt dich als man list
Noch d gen hell vor schicket ist

Sunder dy da leben eren dich
Tun vnd ymmer ewigklich
O herre drumb las vns nit vorderben
Las vns des ewigen tods nit sterben
Der du lebst in einigkeit
Vnd vollkommener Triualtigkeit
War got jimmer an ende
Dein genad nit von vns wende
Amen.

Getruckt zu Wittenburgk in der
Churfürstliche stat durch Sims
phorian Reinhart. Anno dñi
Tausent funffhundert vnnnd ins
zwelfften jar.







83-B5325

GETTY RESEARCH INSTITUTE



3 3125 01515 5167

